

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI
Broj: 004-0-SuDp-23-001411
Zenica, 04.12.2023.godine

Na osnovu člana 64. stav 1. tačka b)., člana 70. stav 1., 3. i 6. i člana 89. Zakona o javnim nabavkama („Službeni glasnik BiH“, broj 39/14 i 59/22), te na osnovu preporuke Komisije za javne nabavke imenovane rješenjem broj: 004-0-SuDp-23-001358 od 21.11.2023. godine po provedenom postupku javne nabavke robe – tonera, putem konkurentskog zahtjeva za dostavljanje ponuda, predsjednica Kantonalnog suda u Zenici donosi

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke, te se Ugovor za javnu nabavku robe – nabavka računara i računarske opreme dodjeljuje ponuđaču “Emado” d.o.o. Sarajevo za ponudu broj: NO-AT-019 od 27.11.2023.godine, za ponuđenu cijenu od 6.700,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan u roku od sedam dana od dana zaprimanja ove odluke, dostaviti originale ili ovjerene kopije dokaza o ispunjavanju uslova u skladu sa datom Izjavom iz člana 45. Zakona o javnim nabavkama.

Član 3.

Ova odluka objavit će se na web-stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ugovor o nabavci Ugovorni organ će potpisati i dostaviti na potpis izabranom ponuđaču u roku od 10 dana od dana prijema Odluke o izboru najpovoljnijeg ponuđača.

Član 5.

Ova odluka stupa na snagu danom donošenja.

Obrazloženje

Postupak javne nabavke robe - računara i računarske opreme pokrenut je Odlukom o pokretanju postupka javne nabavke broj: 004-0-SuFin-23-001357 od 21.11.2023. godine. Postupak javne nabavke je proveden putem konkurentskog zahtjeva za dostavljanje ponuda za koji je objavljeno obavještenje o nabavci broj: 2885-7-1-142-3-13/23 dana 21.11.2023. godine na Portalu javnih nabavki.

Postupak nabavke provela je Komisija za javne nabavke imenovana rješenjem broj: 004-0-SuDp-23-001358 od 21.11.2023. godine. Komisija za javne nabavke je dostavila predsjednici suda Zapisnik o pregledu i ocjeni ponuda broj: 004-0-SuDp-23-001359 od 04.12.2023. godine sa preporukom o izboru najpovoljnijeg ponuđača.

Komisija za javne nabavke je navela da je blagovremeno i pravilno izvršila otvaranje, pregled i ocjenu kvalifikovanosti prispjelih ponuda u skladu sa kriterijima iz tenderske dokumentacije, o čemu je sačinila odgovarajući zapisnik u kojem je utvrđeno da je u predmetnom postupku zaprimljena jedna ponude i to ponuda ponuđača Emado d.o.o. Sarajevo

te da je dostavljena ponuda kvalifikovana i prihvatljiva, odnosno da su uz ponude dostavljeni svi dokazi traženi tenderskom dokumentacijom.

Nakon što je konstatovano da je ponuda prihvatljiva za ugovorni organ, Komisija je u skladu sa odredbom člana 3. Pravilnika o uslovima i načinu korištenja E-aukcije ("Službeni glasnik Bosne i Hercegovine" broj 66/16), konstatovala da nema uslova za provođenje E-aukcije, te zaključila da se postupak javne nabavke okonča u skladu sa članom 69. stav 1. tačka a) Zakona o javnim nabavkama.

Dakle, s obzirom da je isključivi kriterij prilikom ocjene kvalificiranih ponuđača najniža cijena, Komisija za javne nabavke je predsjednici Kantonalnog suda u Zenici dala preporuku da se donese Odluka o izboru najpovoljnijeg ponuđača i dodijeli ugovor za nabavku robe računari i računarska oprema ponuđaču „Emado” d.o.o. Sarajevo, što je u skladu sa Zakonom o javnim nabavkama, podzakonskim aktima i tenderskom dokumentacijom.


U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je ponuđač „Emado” d.o.o. Sarajevo dostavio kvalifikovanu ponudu sa najnižom cijenom, a obzirom da je najniža cijena bio kriterij za izbor najpovoljnije ponude, odlučeno je kao u članu 1. ove odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, u roku od 10 dana od dana prijema ove odluke.

Dostaviti:
Emado d.o.o. Sarajevo na mail:
kontakt@emado.ba
www.ksud-zenica.pravosudje.ba



Predsjednica Suda
Snježana Čolaković